



UNIVERSITÄTS-
BIBLIOTHEK
PADERBORN

**Libri// Officialis// Sive Agendae S.// Ecclesiae Treverensis
Pars// Prior**

Jakob <III., Trier, Erzbischof>

Avgvstae Treverorum, 1574

VD16 A 766

Agenda sacerdoti Parocho ante Confessionem.

[urn:nbn:de:hbz:466:1-72595](https://nbn-resolving.org/urn:nbn:de:hbz:466:1-72595)

De Sacramento

Ante confessionem duo sunt agen-
da Sacerdoti parochio.

Cum ad confitendum homines accedunt, Pastor cum detestatione
superiorum peccatorum in templo, superpelliceo & stola (nisi sit
religiosus) indutus, vel saltem veste talari, excitet in se desiderium
& zelum erga salutem animarum per huiusmodi, aut similem ora-
tionem mentalem.

Ver. Adiutorium nostrum in nomi-
ne Domini.

Resp. Qui fecit cælum & terram.

Ver. Domine exaudi orationem meam.

Resp. Et clamor meus ad te veniat.

Oratio.

Domine Deus propitius esto mihi pec-
catori, & qui me indignum propter tu-
am misericordiam ministrum fecisti of-
ficii sacerdotalis, quique omnes homi-
nes vis saluos fieri, non mortem volens
peccatorum, sed vt conuertantur & vi-
uant, suscipe orationem meam, quã fun-
do ante conspectum clementiæ tuæ pro
peccatis meis, & pro famulis ac famula-
bus tuis ad poenitentiam venientibus,

vt

vt des illis spiritum compunctionis, vt
resipiscat a laqueis Diaboli, & ad te cor-
de contrito per veram confessionem,
& dignos paenitentiae fructus reuertan-
tur.

Alia.

Deus propitius esto mihi peccatori.

Alia.

Deus sub cuius oculis omne cor trepi-
dat, & conscientiae cunctorum paues-
cunt, propitiare famulis & famulabus tu-
is, & cunctorum malorum, & peccatorum
medere languoribus, vt sicut nemo est
liber a culpa, ita nemo sit alienus a veni-
a. Per Christum Dominum nostrum.

Respon. Amen.

Deinde cum poenitens depositis armis (si forte illis accinctus) flexis
ambobus genibus, nudo capite, iunctis manibus, facto signo crucis.

**✠ In nomine Patris, & Filii, & Spiritus
sancti. Amen.**

sedens ad latus Confessarii, qui manu interposita mutuum aspectum
impediat, nisi aliud sit inter ipsum & poenitentem, petierit benedicti-
onem dicendo.

Herr gib mir

Benedic pater.

vel Germanice
den heiligen segen.

1 2

Bene-

De Sacramento

Benedicat confitenti, & dicat.

Dominus sit in corde tuo, & in labiis tuis ad bene confitendum peccata tua. In nomine Patris, & Fi ✠ lii, & Spiritus sancti.

In confessione duo quoque sunt observanda.

- i** **P**ost generalem confessionem latino, vel vernaculo sermone dictam vsque ad illam partem (**Ideo precor**) finat ea confitentem per se dicere, quæ meminit, vel interroget pro qualitate, & conditione confitentis secundum ordinem Decalogi: Præceptorum Ecclesiæ, & peccatorum mortalium, maximè Superbiæ, Gulæ & Accidiæ, quia alia in decem præceptis continentur.
- ii** **P**ost confessionem pro dispositione poenitentis consoletur eum speyeniæ, vel obiurget, & grauitatem peccatorum ostendat. Et in primis inquirat, an sit paratus relinquere statum peccati, vt concubinã, vsuram, artem quamuis illicitam, odia, inimicitias, furta, &c. quia si hæc nollet relinquere, vel satisfacere damnis rei, vel famæ, &c. nullo modo esset absoluendus.

Post confessionem item duo.

Cum dixerit poenitens.

Ideo precor beatissimã virginem Mariam, &c.

& petierit Absolutionem, ac poenitentiã pro qualitate peccatorum, & personarum, quæ eiusmodi esse debet, vt pro præteritis peccatis satisfaciat, & ad futura cauenda sit accomodata: **P**ostremo absolutionem subiungat, dicens.

Misereatur tui omnipotens Deus, & dimissis omnibus peccatis tuis perducate

te